



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 77. Papæ confilium de restringendis Synodi decretis.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæcul. XVI. „mittit, Principum precibus me satis
A.C. 1562. „facturum polliceor., Ceterum ad hu-
 jus colloqui finem Papa familiari ser-
 mone Infulano narrabat, sibi nuntia-
 tum esse, quod Valentienſis Episco-
 pus a Calvinistis Lugduni morantibus
 fuerit captus, Castillionæus autem Car-
 dinalis indies magis, magisque a veræ
 Religionis semita, ac status Ecclesia-
 stici munere deviet, denique subjunxit,
 consultissimum fore, si Aurelianensis
 Episcopus Regis Christianissimi legatio-
 ne in Synodo fungeretur, ut de loci
 prærogativa forte emersura evitarentur
 dissidia, eoquod Lunæ Comes non modo
 tanquam Hispaniæ Regis, sed & Cæ-
 saris Orator ad Synodum esset ventu-
 rus, quamvis haud certo adhuc de ejus
 adventu constet, cum alia ex parte nun-
 tiatum esset, quod idem Comes Bohe-
 miæ Regis Filias in Hispaniam con-
 ducturus foret.

§. LXXVII.

*Papæ consilium de restringendis Sy-
 nodi decretis.*

Pallav. l. 18. Interea Tridentinorum Patrum sollici-
c. II. n. II. tudo examinandis quæstionibus circa
 Sacramentum Ordinis intenta erat, ac
 die abhinc decima octava Mensis Se-
 ptembris articuli postmodum discutiendi
 inter Theologos fuere distributi: cum
 vero

vero hujus Sacramenti examen neces-
 fario conduceret ad quæstionem de re-
 sidentia, injecto sermone de Episcopo-
 rum oneribus, hinc summus Pontifex,
 ne hæc controversia rursus suscitaretur,
 veritus, Synodi Decreta nonnihil re-
 stringere statuit, spe fretus, quod Prin-
 cipes huic suo proposito eo minus ob-
 luctaturi essent, quo ardentius ipsemet
 suam Aulam emendare, ac tribuna-
 lium corruptelas severis legibus corri-
 gere incæpisset, ac insuper declarasset,
 quod tunc, si hæc decreta Principibus
 non probarentur, illis alia ratione sa-
 tisfacere, novisque eorum postulatis
 annuere paratus esset, dummodo nihil
 vi extorquere attentarent: eapropter
 jamjam desuper Legatos suos mandatis
 instruxerat, eaque innovabat. Verum
 literis recens acceptis, ac præsertim a
 Vicecomite admonitus sententiam mu-
 tabat: nam hic idem Sedis Apostolicæ
 Nuntius Pontifici hæc significabat:
 „Quinqueecclesiensis Episcopus altero
 „die post suum cum Legatis colloquium
 „de quo supra diximus, ex quadam
 „Congregatione in templo habita arri-
 „puit opportunitatem, atque ibidem
 „remansit retentis secum Episcopis
 „Hungariæ, ac Poloniæ cum parte ma-
 „jore Hispanorum, quos omnes cohor-
 „tatus fuit ad exactam emendationem
 „Eccle-

Sæcul. XVI.
 A. C. 1562.

Arcan. not.
Vicecom. ad
Borr. 24.
Sept. apud
Pallau.

Sæcul. XVI. „Ecclesiæ, quibus ajebat Cæsarem, tunc
A.C. 1562. „a quavis sollicitudine militari liberum
 „ob inducias cum Turca, omnem opem
 „præstiturum, si modo ipsi in eo con-
 „cordes, ferventesque perseverarent, nec
 „a suo proposito recederent: porro Ar-
 „chiepiscopus Granatensis grates per-
 „solvit ob operam oblatam, respondit-
 „que, quod ipsi inter se de negotio a-
 „gere velint. „

§. LXXVIII.

*Pontificis Epistolæ tam a se, quam a
 suis ad Legatos datæ.*

Pollav. n. 12. **C**um ergo summus Pontifex ex hisce
 literis haud obscure cognosceret,
 quod Principes illum objecta Reforma-
 tione potius terrere, quam eandem se-
 rio urgere quærent, hinc non modo
 ipse, sed etiam ipsius nomine Cardina-
 lis Borromæus varias perscripsit literas,
 in quibus hæc significabat: „ex Fran-
 „ciæ Oratoribus Romæ agentibus unus
 „non ita pridem quæstionum examen
 „differri postulavit: ego autem ei re-
 „spondi, quod Synodus sit libera, ad-
 „eoque id ab ea petatur: nunc vero vo-
 „bis indico, quod optem, ut fortiter,
 „ac sollicitè definitiones, morumque
 „leges peragantur, pro eo, quod divi-
 „num obsequium ac recta ratio postu-
 „lant post tot inutiles moras: ceterum
 volu-